

四庫全書

集部

欽定四庫全書

集部

天台續集別編卷二

詳校官中書臣張姚成

助教臣常循覆勘

總校官進士臣繆琪

校對官中書臣范鏊

謄錄監生臣程晉錫

欽定四庫全書

天台續集別編卷一

宋 林表民 編

登台州城樓

夏

竦

字子喬  
文莊公

樓壓荒城見遠邨  
倚闌衣袂拂苔紋  
猿啼晚樹枝枝雨  
僧下秋山級級雲  
招客酒旗臨岸挂  
灌田溪水鑿渠分  
洞中應有神僊窟  
繚亂紅霞出紫氛

桐栢觀

鳥道寒藤結洞門  
蒼蘚深樓臺在山半  
松檜出雲心  
土煥春常久  
峯高月易沉  
羽衣祠太一  
香冷石壇陰

國清寺

穿松渡雙澗  
宮殿五峯圍  
小院分寒水  
高樓半落暉  
暉葉

從金地下

寺東北峯有智老金地道場

雲向玉京飛

寺之西洞有玉京天

欲問

西來意誰傳  
智老衣

靈溪

剡東溪溜合一派  
貫天台白鳥蒙灘下  
青山倚岸迴波

心晴景動渡口晚烟開咫尺通滄海千帆自去來

送人

野色兼行色長亭一送君東書登古路重繭踏寒雲山  
過天台小溪臨婺女分流光須強學當宁正崇文

送馬道人歸天台

張

詠

字復之  
乖崖翁

逢山長欲便辭榮見說天台益自驚絕頂要歸終久住  
此時無計伴師行囊携鼎藥身難老路接仙橋眼更明  
莫笑宦途滋味薄五湖曾有片帆輕

送魏道士

江上蕭蕭木葉飛  
天台狂客杖藜歸  
莫嫌俗吏勤相顧  
曾是嵩陽舊揜扉

玩師求詩歸台州

周行已

字恭叔

越鳥棲南枝  
胡馬依北風  
人生亦懷土  
安能長西東  
玩公白雲老  
方丈憑高峯  
忽為萬里遊  
應緣來晨鍾  
君看伊與洛  
二川日溶溶  
逝者亦如此  
流轉何時窮  
我居謝公山  
天台一水通  
莽莽宇宙內  
那知忽相逢  
塵埃識眉

宇覺我耳目聰暫來還復去有如無根蓬令我長歎息  
不得久相從側身雞鶩羣仰羨高飛鴻

贈天台沖寂道人

沈括 字存中

聞說能文山閣老比年幽興著林泉自開鹿苑知何日  
不向虎溪今十年寥寥清言坐中士皎皎寒月山間天  
不堪世俗看支遁曾有篇章憶惠連

送羅正之年兄出使二浙

張舜民 字芸叟  
浮休子

玉麈助清談金貂飾高位二物已殺身無乃生民累君

為使者官猶作農夫事隨軒載畚鍤一心唯度地惟梁  
及濟岱潢汙變滯穗五食反無魚黃牛如象貴凡人畏  
辛苦君處乃樂易富哉太伯墟吳越之委積二年苦昏  
墊竈白成蛙肆一日死百人官司但熟視不獲乃命君  
物議已為遲君其尚勉旃副彼朝廷意若為濬涇洪  
可得露城市誅其姑息人戢彼因循吏死者不可招在  
者如何置赴海與壑鄰實繫君之智君家本天台立身  
頗勤勩一生在州縣晚歲稱憲使南人重衣錦今爾實



自致弭節拜墳墓推牛設鄉遂翁媪上籬觀揮零復嗟  
喟或曰羅家兒今日乃如是伊予出西北仕路每相值  
交代又同年莫予論自契嗜好無不同出處亦相類天  
台與四明一生游夢寐澹蕩秋風中都門把歸袂行與  
興公游閑過賀老醉二客儻有言因風幸相寄

同前

趙挺之

字正夫  
清憲公

相逢三十春歡宴殊未足都門今見君行意一何速正  
之南國秀德業素所畜才名振京師賢達競推轂當年

諸邑政惠愛春蘭馥惟思結恩信幾欲弛鞭朴一朝使  
王畿茂草鞠園獄高懷富經綸餘事歸簡牘風騷入冥  
搜落筆動盈幅忠誠人所懷正直神介福輕舟揚高旌  
錦袂耀鄉服西風浙江遠秋色方在目歡聲溢閭巷喜  
氣霑僮僕東南歲仍饑仁主意方屬君才固有餘足呂  
賑疲俗行聞變潢潦千里盡平陸功成辦歸裝來赴嚴  
君促

同前

呂穆仲

附

錫馬恩隨汗楫浮過家身近石橋遊勤勞王事甘胼手  
磨琢風騷苦白頭浙水魚龍移窟宅浚郊陂澤變田疇  
使君亮直人知少好笑封侯曲侶鈞

同前

范 鉞

紫泥封詔出蓬萊直指東南倚憲臺千里忽驚霜鬢去  
百城爭望錦衣來淞江氣象心先到吳俗姦媮膽欲摧  
天姥舊山還好在應尋鄉老一裴徊

交翠亭寧海簿廳

左

緯

字經臣

地勝多喬木亭幽闕古墉春梢經雨合晚色過煙濃影  
落琴書遍聲穿戶牖重鸞棲應不久枳棘若為容

次韻贈段德公

宦游初謂江南好不道淹留十載餘官職任卑終傲世  
俸錢雖少尚收書天台舊俗思重借于浦同官忍獨踈  
縱使北歸猶識路滄陽三徑近何如

公鉉州人金  
人經由之地

避寇即事十二首

寇賊起何暴數州俄見殘殺人空骨亂聞者為心寒世

治官軍怯城孤守吏難天兵何日到淚眼望長安

遙聞烏合輩數十破錢塘故是昇平久胡為守備亡天  
誅初不暴賊勢尚云張作過古來有未宜憂我皇

避地遶天涯艱難兩鬢華逢人惟問賊有夢只還家幾  
處看楓葉今朝見菊花客衣寒更薄日暮在平沙

消息苦無定轉移難預言起看殘月色行遶亂雲根餓  
久百骸劣啼多雙眼昏天涯迷去路誰為我招魂

草暗迷人迹山空荅履聲夜眠温石去朝爨東薪行骨

肉長嬉笑交朋每送迎回思無事日已恐是前生

失所何遷次江湖信足行朝廷自多士天地只孤生已  
是無歸處何須問去程甘心委溝壑回首戀昇平

移家入空谷十口墮荆榛猛虎欲當路怪禽如喚人死  
生吾有命幽獨自傷神泉石非無意終身愧隱淪

轉徙不知處亂山逢掩扃斷崖飛虺螫枯木亂鷓鴣  
蒼人烟滅黃昏鬼火青夜寒長飲泣安得壯夫聽

寂寞空山裏黃昏百怪新鬼訟深澗哭狐出壞牆頻小

雨俄成霰孤燈不及晨開門謝魑魅我是太平人  
借問今何所空山號白龍秋聲悽萬竅雪意黯千峯  
俛首燒殘葉披衣聽斷鐘生涯都付賊只有一萍蹤

無路掃妖氛掀髯倚碧雲草茅難報國畎畝敢忘君  
民業稍云復賊巢猶未焚老臣筋力盡灑淚對三軍

太平無可議妖孽欲何求未足煩天討然猶假廟謀  
鷹揚誰敢抗烏散類難收首惡聞猶在王師願少留

大觀戊子秋七月大雨洪水薄城幾至奔決太守

李公出儋城上即刻雨止水勢為殺而民獲免  
馬因叙其所見為古體詩五十韻且言台之城  
不可不修也

立秋亦云久涼飈何參差蓐收氣力弱炎帝從見欺赤  
雲熱於火反甚盛夏時陰陽互擊薄變動不可期颶風  
歛卷地急雨如崩梨屋瓦逗飛鳥雲柁焚亂絲暗恐江  
漢覆又疑山嶽墮百川肆橫流倏忽漱城陞居民類燒  
蟻惶恐不自持為魚在頃刻呼叫聲何悲我公初不動



徐問其所為。曰：謂吾在是水，其為民疵。駕言徑往視朝，服來登陴，狂瀾吼而至，公亦為興咨。端笏扣頭立，逡巡。曰：致辭公辭殆未畢，水還疾如馳。回首望黑雲，忽馬見明曦。雨師不得逞，風伯無所施。少皞獨行令，旻天青四垂。吁哉是可駭，神速至於斯。蒼蒼其天乎，所聽信已卑。公言我不聞，豈謂天聞其古人。稱至信水火，蹈不疑天人。雖限絕，脗合無由私。宋景出言三，熒惑為之移。今公不待再水灾，迄免懼。惟公古君子，誠信本天資。行藏即

造化神速固其宜嗟我海邦民此患常羈縻徃歲雨暴  
作水行適及棖城壞而水入黎民無孑遺官府一朝廢  
所亡蓋不貲朝廷痛民害大為築城池中間水屢溢幾  
乎與城夷城堅水無隙民處不復危今則城已敝闕落  
空殘壘如聞去歲冬我公聞上司此實民之急請從官  
繕陴上司僅省費移牒猶難之民心日慄慄見雨常顰  
眉但恐水不至水至決不支前日果見此必知其死隨  
又安知我公有道衆莫窺抹汝於溝壑奪汝於蛟螭舉

眼看三光措身於兩儀公德大如許汝知乎不知惡虜  
汝至愚豈能事遠思此城苟未修此患終未離明年公  
且去水來將賴誰願公尚憐汝再請而勿辭城修有二  
利官帑皆在茲

避賊書事十三首

兇賊意何慘殺人焚其廬我命雖僅免我家已為墟譬  
如巢南鳥巢破不得居朔風吹黃草飛去將何如

生長城市間吾其患驅逐賊火俄漲天舉家如奔鹿入

山恐不深但冀免殺戮賊平無所歸獨倚青松哭

懷寶恐吾累蔽形何可遺囊衣入山谷勢急還棄之及  
至出山日秋風吹樹枝免為刀兵鬼凍死宜無辭

賊來屬初夏逃去窮幽荒山深松蘿密野曠草木長蟒  
虵大如樹見我不忍傷賊固不如蟒害人無善良

搜山輒縱火躡跡皆操刀小兒饑火逼掩口俾勿號勿  
號可禁止饑火彌煎熬吾人固有命困僕猶能逃

十遷昧南北終歲在路岐霜堅齧我足風冽剝我肌艱

難固其分衰老難支持白骨亂荒草百遷亦不辭

東鄰有老人金玉富無敵惡賊一朝來棄之如瓦礫性命雖尚存見人無顏色老人自不思本為大盜積

保城恃義兵悞事真可惜國家久昇平誰復覩鋒鏑一  
旦驅市人紛然冒矢石逢敵先棄戈罪之不可得

妻兒共一區日夜謹相守遙驚白旗來不覺四散走汝  
死吾不知吾亡汝何咎隔林聞哭聲相見真成偶

今我有三子欲謀分置之庶幾一子在可呂收我尸老

妻已咽絕三子皆號悲生離過死別不如還相隨

妖賊本蒸民忽爾為猪豚王師一日下割剥恣啗吞食

盡固其所恐傷仁聖君招安俾復業亦既不是人

有女衣已穿顏色猶自好無食來幾時吻哭荒草間  
之誰家女低頭未忍道前山欲黃昏吾行不暇考

嗟爾遊宦人彌年住京闕盡室寄東南一朝聞賊發道  
路已不通音書多斷絕朔風滿長安日夜成華髮

會姪譽

憶昨宣和末羣兇聚韋羌

洞名

一朝邏巡尉州縣皆皇皇

居民弃家走老稚紛搶拊我時遭劫逐與子空相望及  
茲建炎始叛卒起錢塘初聞殺長吏尋亦及冠裳死者  
不為怪生者反異常子在賊圍中不知存與亡出處雖  
異域阽危多備嘗骨肉非不親患難各自當回思見賊  
日豈謂免殺傷安知出深壁猶得還故鄉爭言不死狀  
失聲驚四旁餘生偶然遂萬事皆可忘會我試新秫放  
懷坐中堂庭梧露踏碧砌菊風催黃年華意未晚蟋蟀

已近床對此復何待五觴至十觴歌聲咽寒月舞袖破  
夜霜豈無少年態一醉乃爾狂此徒為酒使酒力安得  
長燈影照鬢髮百憂在中腸干戈時未息盜賊勢益張  
與子歸何處相看兩忙忙

送方尉還任

平安耿耿念庭闈乞假言旋謝式微應向門前留彩棒  
却來堂下舞斑衣流花洞口春將近蓋竹山頭雪已晞  
聞說後年官始滿不知重到幾時歸



懷天台

謝

伋

字景思

有妹有弟奉親慈我因官事獨此縻濤江身隔一萬里  
永日心思十二時戀豆豈能勞遠駕臨流端欲賦清詩  
故山尚有茅茨舊端策何須更拂龜

題郡治玉霄亭

時曾宏父為守

王廉清

闕

憶昔新亭敞玉霄使君髯舅意飄飄春風激灩黃金瓊  
明月參差紫玉簫歌吹舊蹤空草木風流閑話屬漁樵  
憑闌無限悲涼意寂寞寒江落暮潮

登師欲東歸因成五言

錢惟演

字希聖

誰謂元戎幕今同長者家一音聞說法五葉見開花久  
住生車耳因閑長道牙方期注金策休夢赤城霞

送從進長老歸天台

錢惟濟

闕

樞府多年識相毫又飛鏢錫出神臯霞標起處瞻駕剎  
風信平時過鷺濤月露空濛迷檜楫天香芬郁濕蘭袍  
道猷法窟從茲闕

副樞尚書門僧久  
寓京國賜衣而行

懷天台隱士

王堯臣

字伯庸  
文忠公

先生高蹈晦品扉沐髮晞陽遠帝暉自是鸞皇終

闕

魚鳥便忘機江鳧汎汎隨波遠朔鴈冥冥避弋歸

他日

闕

如應聘夢魂休繞故山薇

題石橋

蘇

澥闕

連雲靄翠疊重重直下雙溪擁霽虹榮辱自分山色外  
利名不到水聲中清涼世界隨心現方廣樓臺遂感通  
願侍千僧共談麈撥開陳障出樊籠

再遊寧海淨土院

周

弁

字君儀

一徑陰森入翠微，翠微深處見禪扉。  
倚雲殿閣金相照，蔽日松杉碧四圍。  
竹引澗泉寒繞屋，雨蒸山靄潤侵衣。  
十年遊宦今重到，景物依然舊識非。

書台州上方不出院僧壁

李

邴字漢老

不下山來十四年，區區笑我走塵寰。  
只應後夜經聲寂，明月清風自往還。

次韻台守晁子莫見贈

呂頤浩

字元直

去歲乘桴暫得閑，忽驚三命促登壇。  
向來疆健思投筆

老去衰遲懶據鞍  
玉帳夢回烽燧曉  
水鄉春盡鐵衣寒  
海山深處幽棲地  
為我經營竚掛冠

次韻沈元用游天台三首

出處何勞問大鈞  
如公材器畧鋪陳  
談兵玉帳詩書帥  
演誥綸闈侍從臣  
萬疊名山聊寓目  
一方仙宅勿藏身  
中原未復須留念  
先入夷門漸入秦

山居猶不厭山行  
石磴欹危步履輕  
夾路不聞雙闕在  
幽巖應有五芝生  
春寒未放遷鶯轉  
風暖先催布穀鳴

我欲營茅留俗駕無貲誰寄孔方兄

前麾轉綵陣旗紅二紀窮邊一夢中曾擁瑯戈思却日  
屢乘鐵馬聽嘶風誰憐老去三春病自覺閑來萬慮空  
滿路落花歸鴈後勿令書疏不相通

次韻台守劉仲忱

瓦橋傾蓋暫徘徊自渡江南跡屢陪衰謝未能高隱去  
依棲還傍故人來青蒲諫諍推公望皂蓋承宣屈大才  
但恐政成公促召異時懷抱向誰開

登巾子山寄懷韓嗣夫

幾年蹤跡共飛沉，自渡江來幸盍簪。  
奉使久違常恨別，閑居無夢不相尋。  
勒功鍾鼎經綸志，混跡漁樵老退心。  
籬菊正開家釀熟，一樽何日得同斟。

將至天台馬上口占

東歸頓覺馬蹄輕，竚望天台景色新。  
遙想故園芳草盛，一番桃李又烘春。

次韻郭傳師寵寄閑居之什

金少曰五卷之三  
卷一  
小隱丹丘郡安閑世慮空運籌邊閫帥昭代將家風牙  
帳霜矛白賓筵舞袖紅何時同把臂醉伴釣漁翁

建炎丞相成國呂忠穆公退老堂詩

觀文殿大學士左銀青光祿大夫提舉嵩山崇  
福宮李綱

獵得非熊自渭濱釣璜賜履定前身功高浴日千門曉  
力巨回天萬國春輟輟巖廊調鼎手來為林壑採芝人  
片帆雲海無多地歎息何緣廁末賓



周遭疊嶂俯清流卜築園亭事事幽春日鶯花隨袞繡  
秋風松竹轉旗旂謝公終為蒼生起裴相聊成綠野謀  
聖主思賢方仄席未應長伴赤松遊

新安居士汪伯彥

尚父重來國有瘳再移雙袖揖浮丘進為初迫人間世  
退老仍懷天下憂娛戲烟霞資辟穀栽培松菊助吟秋  
天心此欲中興去蕙帳山猿恐莫留

脫冕遺軒息萬緣歸來閑地作神僊涉園靖節初成趣

得志莊周正樂全物外情隨雲鷗舉尊前身旁海鷗眠  
功成者去天之道知退如公法自然

燕南三世識非羆謀策江淮見吐竒千載五龍扶日轂  
十年兩袂各天涯知公卜築聊如此嗟我求田昧所之  
遙想園亭賓客會夢飛胡蝶到芳帷

資政殿大學士左中大夫提舉萬壽觀兼侍讀

張守

大老歸周慶有源中興吾宋屬雲孫五龍夾日三辰正

一虎當溪百獸奔何事雲山遽招隱向來金鼎厭調元  
追鋒早晚求黃髮三徑還荒靖節園

聞道抽身向急流海邊暫艤濟川舟功存社稷推元老  
人向漁樵識故侯綠野江山供笑傲赤松儔侶伴淹留  
閑棋小酌懷疇昔清夢時追杖屨游

資政殿大學士左中大夫提舉臨安府洞霄宮

王綯

尚父風猷襲後昆復生賢相紹高門白麻懇避公孤貴

辛亥季秋麻制告廷進拜  
少保公辭甚力乃授特進

黃閭屢辭機務繁再入經綸

勞鼎鉉乍從觴詠樂山樊功名終始追前哲美播青編  
望益尊

巨力曾扶國步安功成猶未鬢毛斑天心正佑宋無極  
人意詎容公久閑裴令縱能娛綠野謝公可是老東山  
何當鼓櫂輕千里款奉清談宴俎間

資政殿大學士左中大夫提舉臨安府洞霄宮

李邴

晉公伐叛致太平歸來綠野勤經營沉淪不復經濟意  
晚節更為人所評文饒佐武取河朔平泉草木羅清英  
功成未嘗一寓目鏡石作記空傳名何如堂堂渭川老  
倔起自與天扶傾歲在作噩駭機發忠臣憤叱思殞生  
氛埃不為紫霄蔽日月却向黃道行壯年鐵衣勤汗馬  
白首金鼎調和美張皇國威起顏壓約敕吏蠹歸章程  
羌戎破膽思尋盟盜賊脫甲來輸誠轅門諸將指呼耳  
公有胸中十萬兵銳然請老樊小圃爨席卻與漁樵爭

煙霞放目傲軒冕水石步履遺機衡雖然四海望不置  
褰旒下臨熙皇明宣王于今事北伐周公不日歌東征  
迎還兩宮天地慶掃灑六合風塵清是時公歸迺可耳  
豈得遽適羲皇情祝公壽考如衛武百歲箴做謀羣卿  
祝公功名如郭令身與廟社同安榮忠誠向來金石貫  
勳烈遂將天壤并宅年升堂奉杖屨願留隙地誅柴荆  
但令公孫肯開閣不用野王來撫箏

資政殿大學士左中大夫提舉嵩山崇福宮張

激

均秩歸來一品崇  
赤城新墅煥仙風  
功存社稷今全德  
身佩安危本至公  
寧似樂天丹竈破  
不令北海酒樽空  
中原未靖戎氛惡  
會有訐謨沃舜聰

背郭堂成樂趣真  
碧油幢下海山春  
誰知種木十年手  
元是擎天一柱人  
久矣威名彰草木  
行須談笑靜風塵  
寧容巾屨長閒逸  
即看金甌寵數新

端明殿學士太中大夫提舉臨安府洞霄宮韓

肖曹

兩持魁柄輔皇圖  
退隱林泉歲再除  
勲烈早推戡難際  
精神不減渡江初  
遙知台嶽靈仙窟  
雅稱礪溪將相居  
好在先聲震南楚

進拜潭帥命

一堂風月暫躊躇

煌煌衮繡佇歸周  
卜築寧容便退休  
濟上風煙移鬢髯  
浙東山水占深幽  
清樽

闕

知公志在復神州

左中大夫充徽猷閣待制提舉臨安府洞霄宮



黃叔教

今代勲名第一人聊從小築藝松筠風雲天上千齡運  
雨露人間萬井春莫倚丘園甘獨樂須知海宇仰洪鈞  
行聞勉為蒼生起袞繡來歸聳搢紳

望隆江左謝太傅功冠淮西裴晉公何事東山却高臥  
空餘綠野想遺風矯情鎮物端誰侶晚節全身與俗同  
再拜祝公循往轍中興周室賴元功

左太中大夫充徽猷閣待制提舉江州太平觀

錢伯言

今代麒麟第一功十年勲德與天通  
豈知樂聖銜杯地長在重溟倒景中  
避寵不妨成遠別養花無意在珍叢  
角巾私第何須問自有公言滿舜聰

頓令台嶽發羣花名圃初成將相家  
雲母久遮黃閣座綺疏新照赤城霞  
調羹梅子生無數尊渚鴻飛去有涯  
見說樽前富佳客亦應思我醉時撾

徽猷閣直學士左中大夫提舉江州太平觀洪

擬

富貴功名豈易量，暫休聊洗十年忙。  
赤城山下林泉美，退老堂中日月長。  
種竹幾年心未厭，栽花經日手猶香。  
一丘寄傲真吾事，何必懷歸問故鄉。

千載明良不易逢，退居誰不慕高風。  
香留鐵硯韋編上，春在金罍玉斝中。  
鼇足共知曾立極，龍韜猶欲倚平戎。  
追鋒只恐來相繼，行看東山起謝公。

徽猷閣直學士左朝請郎提舉江州太平觀李

擢

紫樞黃閣再登庸萬物無心付至公獨掃埃氛開日月  
坐令寰宇轉雷風辭榮身遠機衡外扶世功餘竹帛中  
林壑未應窮勝事巖廊仄席待平戎

四海儀刑瞻袞繡十年鬢髮映金貂角巾羊傅回東路  
野服裴公過午橋誰與從容陪杖屨不妨談笑狎漁樵  
傳聞乙夜懷長筭行看絲綸下九霄

徽猷閣直學士左朝散大夫提舉江州太平觀

胡世將

雲水郊深退老堂公來野服換龍章  
四朝盡瘁身猶健一德同寅福未央  
小隱聊堪供放浪神州終倚致平康  
功成他日歸休地海表家風有故鄉

卜宅他鄉得偃休忘懷遇坎復乘流  
功高天地雲龍會心寄丘園水石幽  
墨客騷人多賦詠金堂玉室縱追遊  
公今問舍真無負自是豪英百尺樓

左朝散大夫充徽猷閣待制新知靜江軍府事

胡舜陟

中興將相上凌煙社稷元功孰敢先萬物生春持斗柄  
六龍回馭取虞淵中書方記汾陽考南國俄乘范蠡船  
卻向園林新棟宇聊將勝事繼前賢

為聞仙伯隱丹丘三徑新開結勝游庭戶招呼松桂月  
樽壘追逐芰荷秋曉猿夜鶴空留戀風虎雲龍自應求  
已擁帥旄將入覲運籌破敵此歸休

左朝散郎充徽猷閣待制提舉江州太平觀趙

思誠

抗章懇避公槐位卜築千巖紫翠間  
園鎖幽深侶僊境  
堂開華麗遠塵寰  
貂冠虎騎榮新寵  
雲閣瓊臺許暫閑  
帷幄謀謨待元老  
未容高蹈占東山

經濟竒謀有祖風  
渭川卜獵舊非熊  
風雲遇會千齡運  
社稷扶傾萬世功  
偃息郊園酬雅志  
咨詢廟筭簡清衷  
更須整頓乾坤了  
綠野歸來効晉公

左朝奉郎充徽猷閣待制提舉江州太平觀李

正民

將相勲名紀太常旌旄聊駐水雲鄉栽培草木平泉里  
放浪琴書綠野堂身健未應親几杖公歸正欲望軒裳

東山謝傅風流在盛世齊稱在海傍

世傳謝安石東山去天台不遠故云

左中奉大夫提舉臨安府洞霄宮胡濂

名重功高服搢紳精神圖畫在麒麟去提黼宸還天子  
歸與園林作主人三徑松筠供嘯傲一堂風月替踟塵  
時平自有無窮事誰解如公早退身



戡定兵戈古所難盛名何啻重於山  
收身矢石征誅外  
放意林泉杳靄間曾是神龍猶解蟄  
豈惟飛鳥會知還  
上方當宁思元老正恐詢謀未許閑

左朝散大夫充徽猷閣待制提舉臨安府洞霄宮江常

玉室璿臺奉宴居醉吟風月在方壺  
山川大抵因人勝  
出處由來與道俱斟酌古今歸輿學  
扶持宗社屬嘉謨  
區區卻笑陶元亮祇把南山入畫圖

左朝請郎充祕閣修撰權徽州曾統

黃閣重來迹已陳  
東山高臥趣還新  
塵埃偏仄人間世  
風月虛閒物外身  
得意樵漁方共樂  
忘機鷗鳥自相親  
聊將玉鉉調元手  
散作郊園萬木春

退老堂前花木深  
功名擺落事幽尋  
烟霞嘯傲平生計  
風雨泚幘四海心  
歲晚松筠無改色  
春歸桃李舊成陰  
行瞻袞繡回東路  
蕙帳空餘夜鶴音

左中奉大夫充祕閣修撰提舉洪州玉隆觀徐

公裕

注意惟聞簡帝心  
聊成退老寓登臨  
放懷綠野巖瞻重  
寄傲平泉國念深  
海濶水雲和島嶼  
時清鐘鼓樂園林  
謝公豈久東山趣  
天下蒼生僖作霖

國棟帡幪不日成  
天河星斗宿簷楹  
台符影燭江山麗  
赤舄光臨草木榮  
猿鶴從今驚夜帳  
鹽梅行復作和羹  
衰顏白髮塵埃客  
狂斐裁詩繼頌聲

左朝奉大夫前知廣德軍事謝升俊

當年直奮渭濱漁，遠業端為萬世圖。戡亂功猶存社稷，  
愛閑身已到江湖。竹間便好開三徑，池外何妨架一區。  
從此標名為退老，時將杖屨許誰俱。

再造功成不自居，玉墀長見詠歸歎。青山流水看無厭，

坂公獨  
樂園詩

燠館涼臺興有餘

裴公綠  
野堂事

天子時時思舊德，蒼

生日日僊新除黑頭，便上鋒車去。遙想槐庭席正虛，

左朝請大夫直祕閣，新知荆南軍府事。薛弼

濟南從古多名士，崛起臯夔薊北空。君喜有堂堪逸老，

上嫌無職可酬功  
蒼生日願起安石  
綠野今難留晉公  
盛烈屢勤銘鼎  
萬龍韜猶冀感雲風

卜築追尋九老遊  
江南最好是丹丘  
乞將金鼎調元手  
暫向磻溪理釣舟  
東閣蚤延天下雋  
畫堂春鑲海中洲  
它年共看車書一  
舉目山河笑楚囚

左朝請郎主管台州宗道觀陳公輔

經營堂宇近江濱  
退隱功成名遂身  
門外魚龍欣得地  
圃中花木暖藏春  
也知朝野思賢相  
聊借湖山作主人

誰謂周公驕且吝坐間無日不延賓

平昔勲名絕輩流正閑贏得去尋幽春風陌上飛千騎

曉日林間映九旂閩嶺何妨傳雅詠

丞相李公居閩中公多與倡和龍

庭行即告嘉猷願將屢秉鈞衡手留作它年几杖遊

右朝請郎充江南西路安撫制置使司叅謀官

莊綽

力辭富貴回天上不事樓臺起宅中問道但懷重舍蓋  
對優寧與獨延崇精神宛侶初平蔡信宿那應久在東

帝念中興思舊德未容高枕北窓風

左迪功郎台州州學教授陳棠

黃閣雍容靜塞塵凌煙功就便抽身三年暫別長安日  
五畝來追獨樂春槐鼎政須還國老谿山聊且慰騷人  
侶聞天語傳中使行告廷神設九賓

解組歸來萬事休買茅初葺一堂幽綠筠曉月搖蒼珮  
紅樹春風散綵旂鷗鷺心情雖退老麒麟圖畫正綏猷  
行看馳驛趨丹陛趁取閑時秉燭遊

左朝奉大夫充徽猷閣待制提舉亳州明道宮

鄭望之

熙陵嘗賦釣魚篇意屬磻溪舊所傳

國史呂正惠公參政因曲宴太宗賦

賞花釣魚詩云欲餌金鉤深未達磻溪須問釣魚人意屬正惠未幾拜平章事

治世代天今六

相中興扶日跨羣賢

本朝呂氏入相者正惠公端文穆公蒙正文靖公夷簡申公公著汲

公大防  
暨公

已栽桃李滿天下更卜林泉占海邊不似東山

携妓女一觴一詠度長年

一從奉得去年書報道江山已定居

乙卯春奉釣翰云每讀杜詩巖老真



無事江山 闕

已定居

朝川圖君臣終

始如公少將相聲名自古無何日雍容陪杖屨松風山  
徑竹籃輿

降授左朝請郎前知藤州軍州事侯彭老

姓名已冠凌煙閣杖屨初臨退老堂任重晉公遊綠野  
放懷忠獻醉安陽園林選勝規模遠丘壑偷閑氣味長  
借箸更資恢復策始應歸此樂時康

扶出離明一洗光凜然忠義合穹蒼天教世祖中興漢

人服汾陽再造唐道大耕莘同至樂功成釣渭踵遺芳  
身為天下安危寄未許清閑事退藏

左宣教郎直祕閣權發遣袁州軍州事秦梓

釣璜大老舊家聲崧嶽儲精甫再生樂道有心安畎畝  
逢時無計避功名已扶皦日歸黃道欲養丹沙隱赤城  
十里梅花千箇竹北窓高臥有餘清

顯謨閣直學士左中奉大夫提舉亳州明道宮

康執權

退老堂成席未溫  
天書夜到領侯藩  
周褒申伯保南土  
唐起裴公護北門  
猿鶴豈應愁舊隱  
虎豹方看擁華軒  
公家報政由來速  
佇入延英覲帝尊

公居臨海亦經年  
每恨淹留阻執鞭  
異縣忽聞登帥閫  
此身那得侍賓筵  
古今誰侶功名老  
出入榮持將相權  
從此鳳池歸路駛  
未容雁蕩奉周旋

相公密約  
同遊雁蕩

左通直郎通判潭州軍州事范寅寅

忽辭端委侍巖廊  
歸臥菟裘退老堂  
遠避勢家蕭相國

旁連永巷郭汾陽江如渭水烟波碧山侶靈巖草木香  
公向此間留杖屨寧知身在赤城傍

不令甲第起康莊却向郊園草作堂廬阜規模臨峭嶮  
浣溪顏色俯滄浪參旗并鉞聊遮戶赤烏貂冠且挂牆  
几淨窓明無俗事願公時草乞言章

龍圖閣直學士左朝請大夫提舉江州太平觀

汪藻

心如金石氣如虹整頓乾坤指顧中挽去暫成調鼎事

歸來還作釣璜翁  
東山勝踐今人見  
西洛耆年幾客同  
圯上一編渾未用  
赤松那得便從公

我公英爽笑矍仙  
來占東南古洞天  
幾度傾身安社稷  
一朝袖手向林泉  
長勞海內簪纓望  
小作山中杖屨緣  
漫使吳兒生意氣  
涼臺燠館記它年

寶文閣學士左承議郎提舉江州太平觀綦寔  
禮

社稷功名不自賢  
小園卜築賞閑年  
脫遺富貴還身外

收拾芳菲寓目前未息烟塵勞屬望莫孤風月且留連  
一時賦詠多竒作江漢崧高好共編

帝眷民瞻豈暫忘江山信美可終藏元勳合冠凌烟閣  
雅興聊同綠野堂已作時霖却龍臥行看天討待鷹揚  
囑公未用安高退准擬功成老故鄉

左朝散大夫直祕閣主管洪州玉隆觀成大亨  
調燮勲庸萬國歡暫携造化入名園芝蘭遠砌初爭秀  
桃李成蹊自不言滄海從龍揚異翼虞淵取日破妖昏

功存社稷膺宸眷莫滯芳菲遠帝閣

懇辭鈞軸逸祠庭園闢東郊已退名花木爭妍雖寓目  
干戈未戢可忘情鷹揚蚤繼磻溪業霖雨爰從傳野生  
願把經營芳圃手更將春色徧寰瀛

避地白巖山中書懷

吳說  
字傳

鐵騎憑陵甚長驅青海邊携家遭困頓憂國憤連邇不  
省歲月換徒驚花草鮮到頭蘇息否灑淚問蒼天

次韻

鄧仁憲  
字夢符

避地南來極吾鄉北斗邊風塵今阻隔途路舊迤邐  
里千門盛湖山百卉鮮故鄉歸未得飛夢入青天

次韻

廉

布

字宣仲

避地來何所窮山滄海邊雄圖今寂寞吾道昔迤邐  
食甘麤飯偷生忍擊鮮鄉閭重回首揮淚入淮天

書事三首呈郎中機宜

避地意何適同時得二賢才名誰敢竝蕭散或堪憐  
濁酒寧非道枯藤自會禪尚須浮碧海風月夜同船



地僻春將半僧房客暫休連山花霧暗半嶺竹雲愁將  
士戈猶枕書生筆屢投中原兵未戢尚有自焚憂

山路入雲煙精藍滄海邊岸沙留虎跡石壁曳蛟涎猿  
嘯千山寂鳥驚半月絃憂來非一事種種上華巔

次韻

鄧仁憲

狎鷗東海上結友竹林賢國難知誰救途窮祇自憐空  
花迷眼界秋月契心禪未起歸歎興重尋載酒船

五星不循軌征戰未應休婦歎懷空室鶴鳴增舊愁劉

公三見顧諸葛萬機投四海今多病維摩分外憂  
明月杖頭掛嘯歌滄海邊自聞獅子吼盡吐野狐涎酒  
興如流水詩情侶直絃岩花應未老更上白雲巔

次韻

吳說

當代青雲士皆言子獨賢異時猶未遇多難更堪憐妙  
契環中趣飽叅方外禪海涯孤絕處誰識孝廉船  
區宇半荆棘干戈猶未休屢空無計奈多病不禁愁農  
具應須辦朝簪便合投全家耕谷口一飽更何憂

棲遁雲巖下無人到此邊階庭穿蚓穴窓戶蠹蝸涎寂  
寞春將老淹留月再絃羈愁知幾許素髮挽華顛

山中元夕

憶昔觀燈夜維舟天漢灣千官環鳳輦萬炬轉鼇山異  
縣方營窟佳辰獨掩關悲涼追往事華髮坐來斑

次韻

廉布

當年對元夕載酒向淮灣寶瑟縈珠袖青藜照玉山蠻  
村當此夜壁月獨臨關尚憶追游勝蕭蕭雙鬢斑

瀑布泉

在靈岩  
和宣仲

鄧仁憲

鮫人對泣號且呼灑落瀛洲萬斛珠海神知貴不敢受  
天池瀉下扶焦枯初疑素霓隨銀漢盡侶明月投冰壺  
廬山瀑布幾千丈較此不可分錙銖膠西先生春睡足  
喜見晴光漱寒玉武陵迷路初不知錯認松風響岩谷  
金波滿泛琉璃鍾長揖雲峯謝拘束更約青蓮社裏人  
同向蒼崖結茆屋

天台續集別編卷一

欽定四庫全書

天台續集別編卷二

宋 林表民 編

送達師游天台次參寥韻

劉季孫

字景文

正誦興公賦報師來別予興長尋瀑布語罷振行裾勝  
事雲霞異清吟巖谷虛石橋鐫歲月知不假人書

師善札

次韻馬中玉提刑見寄

知公不奈二毛何尋訪天台所得多宿處僊人千載宅

金剛經  
卷二  
悟時禪友一聲歌道心夷曠忘名勢句法清新為琢磨  
每到西湖懷使節春風紅紫照清波

因見佛印自稱二浙雲遊老比丘遂成絕句

二浙雲游老比丘蘇州一宿過湖州錢塘江上乘杯去  
雁蕩天台更自由

憶梁王寺過遠橋寄昉師

羅適

字正之

長憶溪橋避暑時天風六月襲人肌水隨地脈來無盡  
雲過山頭去不知拂面稚松應偃蓋當年遊子已龐眉

憑師莫動谿邊石留待東歸題好詩

寄曾子開

肇時公謫台州  
悵然有懷

鮑慎由

字欽止

白髮波波尚問津可嗟志業在經綸十年於此終三見  
四海如公復幾人虎穴功名勞唾掌醉鄉風月且藏身  
平安欲問無來使何處荒山野水濱

蓮盤莊納涼

姚寬

字令威

密竹蔭回塘陰陰小院涼低徊忘扇拂獨自懶衣裳弱  
蔓扶新綠紅蕖竝晚香華胥愁不到只在水雲鄉

列子  
云華

胥在台  
州之北

下章安杜瀆七首

京洛風塵久不開  
晚尋雲水上天台  
如何更下章安浦  
縹渺山城首重回

帆落秋風泊暮灘  
月生潮上客心閑  
海門南望天侵水

左直金鼇

金鼇一名金鷲山

駐蹕山

在章安昔曾臨幸焉

石柱山前煙在川

杜瀆之洲有石柱山甚奇下皆煎鹽之所

金鷲浦口浪黏

天北人淒斷  
南人笑愁水  
愁風最可憐



平生顧挹山陰道種竹栽花越水東  
海角天涯心未穩  
吳頭楚尾信難通

夢寐家山老歲華何時滿眼送煙花  
定知難取通侯印  
亦許歸乘下澤車

風林葉脫減秋聲山擁秋光到眼明  
秋興悲秋俱有賦  
安仁宋玉是前生

飢來驅我幾何厭塵務繁心更可嫌  
不侶陶潛戀松菊  
未聞膠高舉魚鹽

行鴻祐路偶作

尋幽無十里闊處見風濤綠樹雨中密澹山雲外高心  
情親醉境愁色上顛毛早賦歸來引悠悠誤爾曹

送微上人歸省天台

梅堯臣

字聖俞

釋子懷慈母吾儒未易輕不尋琪樹去肯向石橋行海  
近雲多潤山高日少晴天恩新賜服書字欲傳名

送天台李令庭芝

吾聞天台久未見天台狀去海知幾里去天知幾丈峯

嶺隱與出岵壑背與向雲雷反在下泉瀑反在上幽深  
無窮窺杳眇無窮望至險可悸慄至怪可駭喪石橋彎  
長弓跨絕絃未放當時白道猷平步入青嶂去為六百  
石亦見志所尚子欲廣異聞可日一尋訪

題天台山石橋菴院

綦崇禮

字叔原

林麓陰森徑屈盤漸驚危步入重巒地分寶剎臨空翠  
天設飛梁跨激湍霧暗雲蒸山氣肅雪翻雷輓水聲寒  
我來不作多求想試出神光變現看

送蘇子美

梅堯臣

勇為江海行風波曾不懼但欲尋名山扁舟無定處南  
有鵬若鷲險有石若踞毒草見人搖短狐逢影怒不遐  
尚苦乖更遠饒瘴霧東土乃濱海蜃鬣仍可怖殼物怪  
瑣屑羸蜺固無數鹹腥損齒牙日月復易飮二方既若  
此往矣無久駐意當西北來醉耐炙肥豕夏不厭漿酪  
冬不厭雉兔勿言專口腹口腹人所務天台信竒偉石  
橋非坦步廬岳趣最幽飢腸看瀑布此致雖為高實亦

難久慕君行聽我言不聽到應悟

賦何昌言家枯蒼石屏

仙居所產

枯蒼黃石屏樹如濃墨寫根深稱條葉生意絕瀟灑或  
聞造化手立異先真假指是龜溲摹能同自然者天下  
莫復言物亦逢我寡

和聖俞詠昌言枯蒼石屏

司馬光

字君實

主人小石屏得之枯蒼山枯蒼道里遠致此良亦難層  
崖萬仞餘騰出浮雲端吳兒采石時蘿蔓愁攀綠石文

金匱要略卷之三十一  
卷二  
狀松雪豪髮皆天然置之坐席旁清風常在顏願君善  
藏蓄永日供餘閑慎勿示要人坐致求者繁將使枯蒼  
民吁嗟山谷間

寧海道中

盧天驥

字駿元

又騎弱馬聳吟肩數點旗尖破暝煙曉逕寒生梧葉露  
晚風愁入雁行天新年事業唯行路故國生涯只釣船  
早晚徑歸耕菴蒼任從人笑客無羶

登摘星嶺

自知牛鬪耳不奈晚猿何客鬢愁中老秋山別後多扁  
舟桃葉渡夜雨竹枝歌賴有臯盧盃時堪戰睡魔

送禪照大師歸越

錢惟演

金刹杳霞扃南風漾彩舫吳天六幕遠越岫萬螺青龍  
篆霏雕像鯨濤注淨瓶上方堪迥望支策見春溟

雪夕奉陪天台明照禪師擁鑪閑話

藜燭蒼香夜幄清朔風窓際激飛雲鳳梨鴟芋煨將熟  
坐擁豐貂話赤城

送錢仲韶機宜南歸天台

蘇

庠

字養直

尺五城南客能過  
仲蔚居煙霏深寂  
歷雲樹晚扶疎老  
去一無著詩成百  
不如喜無招隱作  
仍免絕交書

送張師言知台州二首

李長民

宮堯台嶽鎮東陬  
地近行都委寄優  
就付金庭老宮使  
曾持虎節古揚州

淮南江東皆古揚州之域

行春想見勤宣布  
訪古

無因預唱酬我誦  
甘棠增感慨願公  
封殖表前脩

辛丑歲先

公守台今般若

臺有祠堂存



皖嶺潛溪已厭觀此行更賞浙東山雲開天姥極清曠  
霧暗石橋窮險艱年德俱高真召杜風情未減眷樊蠻  
側聞侍從多虛位寧許耆英便賜閑

張丈時年八十矣

### 題石橋

林仰字少瞻

空山風露洗秋容萬里陰晴此夕同袖取碧巖邀月手  
石橋來謁化人宮

洪适字景伯

懸磴跨幽崖奔流漱深壑宛然卧蒼龍天巧謝鑄鑿萬

木森前山笙竽真籟作長嘯斥猩狒高巢怖烏鵲莓苔  
助危梁下瞰膽欲落橫前阻翠屏峭壁旁如削於此判  
塵凡咫尺遂綿邈飛錫陵虛空樓臺夜林薄寶輝靚華  
鐙金翰過神雀二年佐銅虎渠能解羈絡來烹紫雲腴  
寒甌散葩萼奇事訂前聞詩成謝層閣

陳知柔

字體仁

巨石橫空豈偶然萬雷奔壑有飛泉好山雄壓三千界  
幽處長栖五百仙雲際樓臺深夜見雨中鐘鼓隔溪傳

我來不作聲聞想，聊試茶甌一味禪。

蔣

璨

字宣卿

石橋西去接煙霞，方廣山頭佛子家。今日我來生善念，  
分明盞上見茶花。

賀允中

字子忱

敢祈方廣現危梁，千古燈燈共此光。聊試茶花便歸去，  
杖頭挑得晚風涼。

至石橋夜半風雨大作

劉

棐

字仲忱

方廣即真華藏界自他不隔一毫端  
龐眉大士常相見  
猛雨豪風漫作難

過郭傳師太尉山居

鄭 諶

字本然

大固擅雄強一峯連紫邏戶牖開上頭可愛不可唾  
前山奔馬來一一窻間過無人識故侯得趣貪高卧不受  
富貴吞早供香火課槍甲久沉埋詩書真頓挫兩國正  
交兵萬民心膽破莫惜功業成更遣聲名大

賦玉溪寺石菖蒲

高 述

字李明

玉溪石角尖如鋒山泉噴浸碧玉龍龍髯誰為不可識  
石上菖蒲拳碧茸老根密節穿石瘦細葉如林屯遠岫  
百草爛死事潛萌纖纖獨與冰霜鬪玻璃瑪瑙春水寒  
呼兒捧將持銅槃年來青眼志未喪喜君綠髮能衝冠  
玉溪曉步

平生丘壑情得此真忘形樞衣跨石角開道披林垆日  
影曉峯翠猿啼山柿青三潭在何許已約摸重屏

和高季明玉溪曉步

陳興宗

物外有佳趣塵中苦勞形芒鞋杖短藜快哉得松局蘿  
蔓猿狙懸石磴苔蘚青龍出正為雨碧潭如畫屏

翌名寧海縣圃之榭曰青雲亭曰真愛并呂出宰

山水縣讀書松桂林為十韻詩呂寄薛端尚知

縣抗

朱

翌

字新仲

子微坐赤城季真升白日我欲從之遊為問策安出  
公庭鳧鷖散藝圃有精采左右富書詩誰當為公宰  
開門挹羣峯欣然一解顏不知令尹心愛民如愛山

萬變世間法一一自有理使由地中行當如禹治水  
勿以徒勞故乃復外州縣仲尼門下人千古處子賤  
當前機深不損空洞腹請求貝葉書還坐與細讀  
公乃青雲器青雲路坦如時來看一蹴不待子公書  
契分山林密賓僚杖屨從薄游栖在棘丞亦日哦松  
四溟今無波百里可遊戲佩未須紉蘭酒當且釀桂  
丹丘五邑羽傾耳聽韶音春風千仞翔徑入翰墨林

縣圃十絕和朱待制

薛抗

字端尚

春花弄晴風晝簾垂永日公退卧黃紬放衙頭懶出  
斗牛不能神臬廬無好采碌碌甘抱關誰能媚時宰  
二亭歸然立紫微為題顏朝暉射銀鈎偉觀壓海山  
訟牒如蜂房未易談笑理却思買扁舟歸釣荆谿水  
我無割雞刀乃當萬家縣飛蝗不入境感謝年穀賤  
五斗雖甚微偃鼠飲滿腹大書歸來賦有味數過讀  
焚香坐清晝此心自如如我知拙催科考甘下下書  
桐鄉文章伯我欲執鞭從明堂選擎天雲壑卧老松



壽親髮斑斑綵服老來戲欲賦招隱詩小山念松桂  
援琴鼓流水絃絕無知音為語逐臭夫蘭芷生深林

題梁王寺清辯大師房

吳說

雲收鶯落天圍淨乞與遊人眼界寬獨恨不當新雪霽  
月明來此倚闌干

遊龍華寺二首

范宗尹

字覺尹

曉出城東路尋僧聊避諠宿雲開嶺岫晚稻沒川原村  
暗桑枝合林红柿子繁日斜僮僕困共喜到山門

古寺山環合崎嶇路僅通一庵寒閉戶羣木夜號風幽  
勝窮探盡塵勞洗滌空茲遊恐不再聊記小詩中

題石橋

古木森森白晝昏瀑泉飛處兩山分石梁跨谷欣初睹  
茗椀浮花信舊聞行路向來悲一跌潔身此去欲三薰  
至人儻有矜憐意便與提携出世紛

題樟林寺

有碑高述  
題名在側

玉盤居士

千巖壁立任蒼苔今日玉盤居士來洗刷雲根堪宴坐

不教獨秀在天台

題善濟院壁

無名氏

牡蠣灘頭一艇橫  
夕陽多處待潮生  
與君不負登臨約  
同向金鰲背上行

別題

無名氏

休說三江與五湖  
平生心眼此中舒  
人人揔道渾如畫  
祇恐丹青畫不如

題金鰲山如畫軒四首

潘朝英

古木搖陰綠插空  
梵宮寂寞草鬢鬆  
可憐昔日掀天事  
曾對君王跨六龍

春潮暮落海門山  
百艇齊飛牡蠣灘  
分得魚蝦歸野市  
滿江鷗鷺夕陽閑

亂壑収雲接漲瀾  
一天風露夜漫漫  
金黿不動涵坤軸  
海月騰空萬宇寒

倦客登臨力已疲  
高僧故索小窻詩  
江山最好君知否  
春去秋來烟雨時

游華頂峯

法 具

宇圓復

行盡一徑龍蛇蟠  
病身忽上青雲端  
天公豈念客來遠  
偶吹一陣松風寒  
摩挲老眼坐歎息  
信有物表非人寰  
去天尺五步可到  
雲夢八九吞何難  
微陽遠映衆山綠  
景氣搖動如波瀾  
青蘿吐花葉嫋嫋  
淺水落石聲潺潺  
盤空巨石碧如削  
暗澹老樹蒼烟漫  
簷牙卓地殿影出  
蝸涎上堦夜雨殘  
昔人遺迹不復見  
但見滿目圍蒼巒  
懸知此地可送老  
黃葉滿庭風閉關  
玉京五城信不遠

神僊綬短誰能攀  
妄庸柳泌真可笑  
安用採藥乘朱轡  
送僧之天台

憶在天台住過春  
雪崖流水斷橋分  
今因送子入青嶂  
老夢荒荒落冷雲

題惠衆院

劉 棐

雲迷鳥道嶺重重  
松竹深藏釋子宮  
戎馬不曾來爾界  
太平元在亂山中

夜宿國清寺題更好堂

沈

揆

字虞卿

堆案文書在眼邊  
身閑俱是好林泉  
乞渠解褐休雙足  
為結山中飽睡緣

神秀樓落成

趙汝愚

字子直

魯侯作南門  
春秋書不時  
嗟予春暮來  
復遣秋暮歸  
巖巖固山迢迢  
枯蒼溪孤城  
煨燼餘棟宇  
烟塵飛悠悠  
客行路一夕  
固藩籬城中  
十萬家  
奠枕將何期  
賓僚賈馬儔  
邑下循良師  
經營有餘地  
所就踰前規  
西風散黃菊  
天宇澄清暉  
浩歌留飛仙  
擊鼓驚馮夷  
分題雜險怪

醉墨翻淋漓別來冊府英往往夢見之恍然今夕游侶  
夢疑復非夜深燈火闌露下星斗移父老呼童兒挽裳  
或褰衣來飲使君酒聽歌使君詞有淚不忍彈恐遂行  
人悲

丹丘道中寄錢大資二首

道舉

字季若

谿橋人度柳青蔥困卧羈孤雪髯兵翁鷺宿煙沙晴復暝  
鷄鳴茆店雨連風早年史冊書名節晚歲燕然妙勒功  
急詔鳳池歸去客紫宸殿後看鞞紅



向來湯餅潑油蔥思舊所懷惟此翁日暮樓邊梅子雨  
夜涼亭下藕花風凌煙晉室謝文靜陰德唐朝徐有功  
二十年間蓮社客醜顏不是少年紅

東湖懷洪景伯

曾惇

字宏父

東湖徑是半蒼苔問訊紅蕖幾許開渺渺波光侵坐席  
霏霏荷氣著尊罍片雲正為詩情起好雨更將涼意來  
別乘朝來知健否頗思劇飲拗蓮臺

迺兩日小疾謁告聞知府郎中大有東湖之遊而

不果陪遂蒙佳句寵問輒赴韻以謝

洪适

佳時行樂阻追陪喜得詩筒手自開雲岫送涼隨皂蓋  
風漪獻狀屬金罍也知萍底魚相得更有荷間蝶鼎來  
不識重遊在何日便須扶病走輿臺

景伯錄示太守湖上唱酬舍弟既賦二章輒亦次

韻

李益謙

字相之

鷗鷺驚飛去又回藕花初為使君開千山急雨催詩筆

四面清波映酒罍暫倚高旌留勝賞有懷別乘約重來  
銀鈎灑落傳新句二妙端知共一臺

紅塵擾擾倦追陪獨向湖山襟抱開每為清風携枕席  
幾因狂醉倒瓶罍叢書久伴天隨隱五袴今逢叔度來  
更待海沂歌詠達同看給札漢家臺

曾宏父使君招客雙巖堂

謝 伋

雲篆長懸紀歲年鳳池人去政聲傳風流繼踵今詩伯  
物色分留到綺筵南國甘棠有琪樹平居大屋尚脩椽

使君小試扶顛手高義仍聞過昔賢

次韻

曾惇

埋沒雙巖已百年班班勝事漫流傳幸陪佳客揮犀麈  
實欠傾城舞繡筵故老風流寒侶鐵月卿英妙筆如椽  
拂衣便欲故山去復恐眼中無此賢

後園觀梅簡洪景伯

扶藜點檢後園梅小雨霑滋第一回賓客正愁花有語  
拾遺只恐老相催關心故國賞心處愛酒暮年疏酒杯

待得山宮千樹白與君騎馬入青苔

次韻

洪适

黃堂清興動官梅遙望花林首屢回命駕許同狂客往  
舒箋頻有好詩催空懷月觀橫千影趁取山宮舉一盃  
為語東皇相假借莫教零亂點蒼苔

寄曾使君

謝伋

江色城霞氣象新中興岳牧用詩人爭趨畫戟高門地  
竊伏荒山漲海濱敢望車魚延傳舍先持箋簡具州民

猿驚鶴訝知吾意欲醉雙巖堂上春

和謝景思

曾惇

康樂東山迹已陳續衣傳鉢不無人  
往時絳闕清都上幾歲荒山野水濱  
紅藥高吟須小謝白蓮勝社得遺民  
不嫌小邑來車轍同試龍園第一春

國清愚谷禪師索更好堂詩 謝 伋

丹梯寧復倦扶筇聞說青山又改容  
下界已同三絕寺上方仍對妙高峯  
聊須小憇窓前榻莫慮遙聞齋後鐘

脚力已窮猶應接茲時目力更難供

登更好堂同景思少卿表丈韻

王

岵

字李夷

萬里同行一瘦筇尋山問水有先容更窮天姥投南路  
已過台山第幾峯從此又隨雙澗月不妨曾聽五峯鐘  
却從更好堂前望滿眼詩材思不供

臘雪應祈因成鄙語呈使君

洪适

黃雲印首聚還飛臘雪今年故作遲涓日朱轡方有請  
因風縞帶即如期寒梅正爾慚五出茂麥懸知頌兩岐

全宋文卷之二十一  
卷二  
千室一辭欣響答直須書事付歌詩

次韻

曾惇

午夜崩騰玉馬飛春前臘後未為遲正怜灞上詩無繼  
侶與山陰客有期搖蕩江花迷遠渚埋藏海嶠失多岐  
誰能作句催端木清絕台州別駕詩

開歲五日使君見約同宮使尚書諸丈觀山宮梅

花因成拙詩

洪适

天知風月主人賢况是江梅望着鞭已報兵厨招客醉



故教晴日作春妍  
一年行樂能多少  
十騎聯飛相後先  
好向山宮記名氏  
它時嘉話踵斜川

次韻

曾惇

半刺風流雅好賢  
幽尋同舉蔡經鞭  
江梅滿樹為誰好  
官柳着行還自妍  
筆陣如君難索敵  
詩鋒顧我敢爭先  
一春賸喚忘憂子  
要看長鯨吸百川

至寧海縣有懷曾守

洪适

郊行十日天宇清  
回首靜鎮薰鑪凝  
寄聲已為謝亭長

去甚復且容聲丞

邑丞病不能任職

萬牛策勲場可滌一犬徹

警門無鷹呼農來前問所自歸之刺史南豐曾

次韻

曾惇

新詩清如玉壺冰一讀為破旅愁凝正懷狂客賀祕監  
忽見高人王右丞坐忘仙去境尚在廣文骨冷呼不應  
其誰洗滌懷古恨別乘博物如何曾

題張子正觀察溪風亭

李

擢

字德升

縹緲新亭跨碧溪清風永日伴幽棲欲追高士娛泉石

知是將軍厭鼓鞞坐久煩襟時一快談餘團扇嬾重携  
不須更待詩人詠小草何妨手自題

赤城本自佳山水况是林塘在目中聊復登臨窮勝槩  
固應趣尚有高風亂泉激石移清晝暝靄縈波接遠空  
欲寫丹青無畫手試傳餘韻入絲桐

郭仲荀

字傳師

廣岸流波遠清颿襟袖開登臨忘畏景宴息絕纖埃逐  
渡輕雲去零空細雨來斯亭不受暑歸客意裴回

綦崇禮

巧據東西面勢雄茲亭壯觀一園中  
淙淙鳴竇過流水  
拂拂虛簷來遠風好解塵纓濯清泚  
聊披醉衽望穹窿  
冷然便欲乘空去汗漫相期孰與同

溪上微波起縠紋涼颼不斷快餘醺  
飄飄弄袖疑輕舉  
馥馥吹花得細聞但羨林園今地主  
馬知弓劍舊將軍  
功名興盡從吾好白首安閑少侶君

張偁

字子揚

亭臨流水上地接古城隈日永簷楹靜春深錦繡開鷗  
隨清漾遠風雜亂香來懷詠北山檄招邀翠作堆  
碧水通三徑高風重五侯知深丹宸眷未許赤松遊山  
簡暫為郡齊公晚得周會放濱海詔再運釣鼇鈎

蔡

向

字瞻明

雅致園林景特奇綵亭斜跨水淪漪影搖碎日浮霜簾  
聲觸危欄倚釣絲岸幘不妨橫醉榻紫眉時復度新詞  
溪山風月年年好長與高人嘯詠期

西山蚤擅三明譽東浙真成九老游水閣風亭忘歲月  
崑花澗草度春秋季鷹自足蓴鱸興平子寧甘都邑留  
圯上一編今在否向來專為赤松謀

憶昨從游鄞水邊星霜荏苒幾經年里居梁宋正連接  
僑寓海山相後先別墅豈堪倍謝傅後堂那復醉彭宣  
自慚憔悴成疎懶浪許賡吟池上篇

陳公輔

字國佐

我家近東城南湖屢嘗游往時古堤岸路暗行人愁棘

籬蔽荒圃狸鼠呼啾啾好景豈終廢發見端有由張公  
山西將帷幄久運籌晚歲倦征討雅懷在林丘人方棄  
不取公乃得所求除治見佳趣經營出奇謀竹窓清景  
亂梅軒暗香浮中間溪風亭崢嶸跨碧流虛簷極宏敞  
坐見羣山幽終夜自泠泠六月長颼颼蕩漾月波起飄  
急雲靄收曠然天宇間清思何悠悠高朋幾還往玉罍  
時勸酬相從同一醉庶呂消百憂羨公強健身萬事心  
不留獨愛池館閑永日嘗休休公才自無雙何用嘆不

侯試訪舊識中此樂寧有不

宿天台石橋二首

林季仲

字懿成

卧聽泉聲侶雨聲直愁泥滑馬難行  
世間疑事多如許  
千百年來誰與明

今人議論只從多  
簣土那能鄣大河  
我有室廬亦方廣  
歸途不向石橋過

和陳述古僊居巖老堂詩

崔黃臣

字仲牧

床頭數卷書足  
呂樂樵漁衆謂  
衣冠傳自同巖  
谷居潛



心富仁智育德審盈虛刺史如相訪淵明有舊廬

章望之

字表民

巖前未老客期在老樵漁撫俗多閒暇開軒適起居讀  
詩明治亂學易體盈虛頻許相從否吾將當故廬

王振

字敏中

政暇此觀書心閑渭水漁宛然山叟室移入縣庭居雨  
霽羣峯秀風生一谷虛我朝求治切好顧卧龍廬

徐融

字子明

大老富詩書不煩耕與漁巖同傳說築人學仲尼居靜  
性觀三極窮神味六虛欲知休復意仁義是蘧廬

述古詩已見續集下卷元豐辛酉  
歲縣令宛陵梅昌符題跋刻石

送趙使君守天台

朱翌

四明天台神仙窟方丈蓬萊纔咫尺公今去乘畫鹿輜  
直上赤城賓出日官家選材蘇我民所得莫如肺腑親  
深山老人笑相迎山行海宿無一塵八座夫人壽千春  
綵衣樂事日日新行當召歸侍紫宸苴茅分土山東門

我欲一見紫微君玉霄峯頂紛祥雲仙風道骨長庚星  
可與八極俱遊神清明寒食斗指辰便到黃堂尋故人

寄贈錢松憲叅政

公今居丹丘開窓眺竒峯憲前何所有鬱鬱澗底松秀  
色與清陰交墮巾几中身生富貴後四世幾五公繡屏  
開孔雀藻井羅芙蓉奈何不自麗反與寒士同前年侍  
上皇退朝每從容松憲表高隱詰曲盤虬龍寵光負無  
比胡為久居東願公促曹馭千載奉兩宮

馬篠潭報雨二十韻

陳襄

字述古

皇祐歲庚寅陰陽久鬱堙二時愆雨澤百物閔膏屯穀  
價方翔踊民言備苦辛原疇無播種道路有飢貧縣令  
憂忘食齋房退省身朝歸占甲子暮出看星辰埜祀曾  
徼福雩壇示禮神所求觀古法詢訪得龍津遣吏蘋蘩  
潔齋書肺腑陳靈泉汲坎窞仙杖下嶙峋雷斧潛噴樹  
天波忽灑塵音官沉鼓吹市戶濕衣巾降應聲何速盤  
旋志未伸經綸惟四日滂沛即踰旬萬谷仙源發三農

水利均趨田多耨入里少芻薪苗稼晨爭插坊庸夜  
不巡謳歌興父老燕喜集親賓捐瘠蘇中壑生成賦大  
鈞邑人勿忘報世世荷深仁

題一相菴

曾惇

滿山松竹翠成林髮髯前身舊所臨不分雙旌殺風景  
他年蠟屐再幽尋

題大興院

或作題櫟溪

孟大武

松柏回環路屈盤像堂僧室枕層巒泉多翠茗臨烹便

寺僻紅塵欲到難  
樵斧斫雲春谷暗  
漁榔敲月夜溪寒  
我來未足登高興  
欲去裴回更倚闌

題水弄山

楊筠

曲曲溪流疊疊山  
稻塍高下路回環  
曉暎初射林霏落  
一道炊烟紫翠間

題北山松軒

元照

築室已清曠  
栽松更幽寂  
為愛金石姿  
不逐風霜易  
颯颯合琴引  
鬱密助山色  
待折最高枝  
談對千拳石

題栝蒼洞宮

劉光  
字襲明

古洞藏真不記年，翠崖蒼壁故依然。  
怪來一夜清無夢，身在仙家第十天。

建炎己酉冬，自婺女携家至臨海，歲首汎舟憇天  
柱精舍，謁吳君文叟。山林感泉石之勝，歎城邑  
之人沈酣勢利，不知山中之樂也。

蘇遲  
字伯充

列嶂崢嶸植翠屏，寒泉綠淨浸軒楹。  
衣巾清潤玻璃上，

窓牖疎明圖畫成塵世正趨名利域山居不識鼓鼙聲  
莫年憂患將何適暫喜滄浪可濯纓

癸丑三月十日自涌泉寺過吳文叟山居臨溪觀

魚輒題二詩

胡世將

字承公

雲物起爭巖石秀水泉行帶野花香一山應接知無暇  
賴有青春白日長

偶尋勝賞到山扉谿影涵暉動翠微正欲臨流看魚樂  
扁舟寧待夜潮歸



紹興甲寅正月至吳文叟山莊 謝 伋

學士奔波方繞杖，隱者盤旋能避時。  
紫紆三逕襄枳棘，庇蔭萬木藏茅茨。  
當時理棹去城遠，先世卜築無人知。  
高山為屏開錦繡，清泉可鑑堆琉璃。  
主人好德鄉黨敬，賓客來遊鄰里窺。  
有田千畝何所羨，遺子一經常自期。  
莫向清流歌考盤，須知好爵徒爾縻。  
驅羊拾芥不難取，濯纓洗耳應復思。

訪湧泉吳文叟隱居

蘇 簡

字伯業

水繞庭除屋近山居人六月自清寒平時不起軒裳念  
此去真輸岩穴安書富五車成活計樽開十日慰艱難  
徑謀百畝從君隱憑藉林泉寄一簞

留題吳氏園

何沆

傍晚秋暉靜穿松石路微山川起幽興杖屨款高扉白  
首偶成趣素懷欣未違故園今草棘飄泊幾時歸

景伯正字招東郊觀梅晚集茶院秀遠堂舉之舍

弟有詩景伯和章見簡同賦

李益謙

十里寒梅欲鬪妍東郊尋勝喜聯翩  
漸看冰泮池塘外又見春生島嶼邊  
漁艇招招浮遠水畚田漠漠起平川  
惜無畫手王摩詰只把君詩寫蜀牋

青春垂地風頭惡寒色侵肌雪意酣  
路轉溪橋回馬足行穿松逕得僧藍  
聯裾正喜陪清賞揮麈何妨共劇談  
它日海邦傳盛事詩仙曾此駐鸞驂

景伯正字按行外邑平遣繫囚既還出道中詩一

編蔡丈有詩次韻

李益能

字舉之

屬邑周行未覺勞  
要觀銚刃試豪曹  
氣蘇岸獄歌謠滿  
興挾江山句律高  
緩駕海邦聊展驥  
指期仙嶺看浮鼇  
秋來賦詠傳宮掖  
三絕行聞帝語褒

題石橋

葉清臣

字道卿

覺雄示入滅尊者俱授記  
現彼聲聞身護茲濁惡地  
他方自感通此地真靈祕  
一路指橋西誰明導師意

過劉阮洞

趙

昂

字元鎮

採藥偶從山裏去  
尋家却向洞中歸  
朝雲暮雨漫愁絕

古往今來果是非

送梵才還天台

宋

祁

字子京

歸袂捲蘭芽  
城標拂曙霞  
溪行虎避錫  
嵒供鳥銜花  
翠柰經園密  
蒼苔渡約斜  
暮雲他日合  
相望在天涯

辨才少白師歸天台

壞色擁行肩  
南方有應緣  
歸舫素車浪  
寶祀赤城天  
宴

樹春園密談  
花畫袂鮮憑  
師無闕智呵  
默二宗禪

自南  
北興

宗學者多封師授曰喪祖  
意惟仁者當圓成一味耳

寄泉僧定諸

曾

會

字宗元  
台州守

赤城山去刺桐城還往都無一月程  
日日焚香遙稽首  
幾時來待出郊迎

題天台茅橋

羅適

京城濕墨遺相知  
心繞天台四散飛  
記得小田橋上月  
五更河露濕人衣

題慈雲院

寧海

七十有餘歲不曾遊此山  
因尋白雲路深入翠微間  
曉

澗烟霞合春巖草木斑誰灰心地火占取一生閑

題天柱山

天台

孤峯插太清天柱此垂名造化功成後乾坤賴不傾夜  
星千拱小秋漢一梁橫欲問登臨處重梯四面生

題瑞相院

黃崑

招提臨古道窳堵壓孤山十里梅花樹都來一望間

題萬竹山

薛

昂

字肇明

萬竹山中數十家重重流水遶桑麻飽餐鼓腹成何事

桃李春來任自花

答瑞巖湛老

陳瓘

字瑩中

示我超然句能令滯念開  
盍移瑞巖刹為我入城來

和鄧鯁之韻

十年三謫海邊州  
洛口相望阻獻酬  
曾寄遠詩來合浦  
又傳新句落丹丘  
身如古柏童童老  
心似平江湛湛流  
歸鳥倦飛雲入岫  
一瓢堪樂莫回頭

題福聖觀

呂洞賓



青蛇布地月徘徊夜靜雲閑鶴未來須向有緣人換骨  
暫留蹤跡在天台

題枯蒼洞

林靈素

字持正

落石泉聲寒遶宮倚欄山色翠摩空劉晨去後門長啓  
時見桃花滿地紅

寄天台守能上人

智圓

字無外

台嶺林泉勝十洲忘機長往更無愁考槃高趣何人識  
招隱新題幾處留深夜定迴華頂月經年書斷海門秋

誰知抱疾西湖上南望雲山想勝遊

登樓感事寄天台友人

閑倚危闌思黯黯浮生誰共歎流年愁催華髮生無極  
心許青山去有緣冷淡空江澄暮色參差歸雁沒寒煙  
吟餘更羨林間客高卧深雲聽瀑泉

遊天台觀

遵式

古觀春山下尋幽似有期瀑清冥坐久峯好獨歸遲客  
嘯巢禽識仙蹤藥叟知我來無別趣禪性盡相宜

寄題丹丘梵才上人山居

禪家真隱處，翠谷倚城隍。  
海近雲歸早，山孤鳥去長。  
石當泉脈潤，風度柏枝香。  
此地容吾否，中宵去意狂。

一作忙

寄丹丘鴻上人不出寺

小固山前一道人，不言生死不言真。  
茅堂靜有朝端客，草履爛無門外塵。  
銀漏滴殘猶在定，石花開盡始知春。  
相思未得相尋去，空恨江頭多病身。

遊巾子山諸刹

石公弼

字國佐

杖策遊山寺終朝事討尋地危歌石磴殿古倚雲岑曲  
徑行松杪禪房過竹林奈何幽興在他日更登臨

題日山寺

竹引高山一綫泉細如絲髮亦涓涓莫嫌此去滄溟遠  
流水更聽琴上絃

公解蓮池

曾幾

字吉父

浪說吾邦小清池思有餘水風涼枕簟荷氣馥衣裾客  
位經過少官曹簿領疎良辰不行樂秋水落芙蓉

還守台州次韻陸務觀贈行

蟬噪高柳岸鷺飛遠沙汀蕭然感予懷清靜遊神庭老  
樹失故綠殘芳謝微馨胡為趣召節日日晨昏星放纜  
西興渡落帆浙江亭恭惟陛下聖萬國瞻儀形黼坐懸  
日月孤燈敢熒熒况復如許病自知不能廷所旨乞閒  
散庶幾守沈冥方虞秋霜嚴翻得春露零再聞芸草香  
一洗海物腥父老喜我來無異化鶴丁兒童喜我來小  
駟騎青青諒有隔生契不然定誰令四海習鑿齒幾年

讀書螢新詩中律呂雖美無人聽  
鳴聲勿浪出生待軒  
皇伶



天台續集別編卷二